

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
BROJ: 43 0 K 269918 26 K
Zenica, 18.03.2026. godine

U IME FEDERACIJE BOSNE I HERCEGOVINE !

Općinski sud u Zenici, sudija Agić Sabrija, kao pojedinac, uz učešće zapisničara Crnkić Kanite, u krivičnom predmetu protiv optuženog S.M., zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, u sticaju sa krivičnim djelom iz člana 52. stav 1. tačka b) Zakona o nabavljanju, držanju i nošenju oružja i municije ZDK, u vezi sa članom 54. KZ F BiH, po optužnici Kantonalnog tužilaštva ZDK Zenica, broj: T04 0 KT 0067474 26 od 06.02.2026. godine, nakon održanog usmenog, glavnog i javnog pretresa, u prisutnosti tužioca Pelja Esada, optuženog S.M. i branioca Mujkić Azijade, advokat iz Zenice, dana 18.03.2026. godine donio je i javno objavio:

PRESUDU

Optuženi S.M., zv. „H.“, sin A. i majke A. rođene R., rođen godine u K., nastanjen u ulici ... grad Z., pismen, sa završenom SSS, po zanimanju ekološki tehničar, neoženjen, vojsku nije služio, ne vodi u vojnoj evidenciji, lošeg imovnog stanja, po narodnosti ..., državljanin BiH, JMB: ...višestruko osuđivan za razna krivična djela,

KRIV JE

Što je,

1.) dana 13.01.2026. godine, oko 11:40 sati, na području grada Z., u zajedničkoj prostoriji-prostoru lifta u stambenoj zgradi koja se nalazi na adresi i u kojoj živi, suprotno odredbama člana 4. stav 1., 2, 3. i 5., a u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, neovlašteno radi prodaje držao: 45 pakovanja sa sadržajem nepoznate materije pojedinačnih netto masa: 84,216 grama, 95,899 grama, 95,090 grama, 92,580 grama, 91,433 grama, 91,808 grama, 94,857 grama, 97,070 grama, 94,245 grama, 91,680 grama, 92,303 grama, 92,390 grama, 94,570 grama, 93,430 grama, 93,501 grama, 92,350 grama, 91,177 grama, 90,999 grama, 92,925 grama, 92,511 grama, 49,242 grama, 73,530 grama, 42,927 grama, 44,040 grama, 42,171 grama, 92,440 grama, 92,370 grama, 92,843 grama, 89,130 grama, 92,404 grama, 85,189 grama, 85,860 grama, 85,445 grama, 82,498 grama, 84,007 grama, 83,471 grama, 85,823 grama, 82,004 grama, 85,863 grama, 84,540 grama, 84,658 grama, 88,349 grama, 2,443 grama, 0,865 grama i 3,970 grama, što čini ukupnu netto masu 3591,116 grama za koju materiju je vještačenjem utvrđeno da sadrži psihoaktivnu komponentu „amfetamin“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom; 14 pakovanja sa sadržajem zelene biljne materije pojedinačnih netto masa: 49,023 grama, 49,932 grama, 50,286 grama, 98,191 grama, 98,346 grama, 98,220 grama, 97,670 grama, 98,313 grama, 97,608 grama, 18,970 grama, 22,345 grama, 0,982 grama, 1,529 grama i 1,828 grama, što čini ukupnu netto masu od 783,243 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC) u udjelu većeg od zakona propisanog, te predstavlja opojnu drogu „Cannabis“, koja opojna droga je pod rednim brojem 13. Liste opojnih droga i 26. Liste psihotropnih tvari iz tabele I „Zabranjene tvari i biljke“ proglašena takvom; 1 cijelu i ½ tablete narandžaste boje u obliku oblaka i natpisom „NL“ ukupne netto mase 0,946 grama, za koje tablete je vještačenjem utvrđeno da sadrže psihoaktivnu komponentu „3,4-metilendioksimetamfetamin“ (MDMA), a koja droga je pod rednim brojem 12. Liste psihotropnih tvari iz Tabele I „Zabranjene tvari i biljke“ proglašena takvom i jednu sivu digitalnu vagu sa natpisom „QC PASS 200g/0.01 g“ sa prozirnim plastičnim poklopcem na kojoj se nalaze tragovi nepoznate materije bijele boje i tragovi zelene biljne materije, za koje tragove je vještačenjem utvrđeno da sadrže psihoaktivne komponente amfetamin i tetrahidrokanabinol (THC), iako je bio svjestan da se radi o opojnoj drogi, te da držanje radi prodaje iste nije dopušteno, a što je i htio,

2.) te suprotno odredbama člana 3., 6a., 6b., 11. i 11a., Zakona o nabavljanju, držanju i nošenju oružja i municije ZDK, bez odobrenja nadležnog organa držao vatreno oružje – poluautomatski pištolj španskog proizvođača Unceta y Compania C.A., model ASTRA 300, kalibra 9 mm serijskog broja: ..., sa okvirom i odgovarajućom municijom i to: 5 bojevih metaka kalibra 9x17 mm koji spadaju u bojevu municiju za vatreno oružje odnosno revolvere i

poluautomatske pištolje kalibra 9 mm, iako je bio svjestan da za držanje takvog oružja i municije ne posjeduje dozvolu ovlaštenog organa, što je i htio, koja opojna droga i vatreno oružje sa municijom su od strane policijskih službenika pronađeni prilikom realizacije usmene Naredbe za pretres Općinskog suda u Zenici broj: 08-02-08/4-03-2-242/26 od 13.01.2026. godine,

dakle, neovlašteno radi dalje prodaje držao opojnu drogu i bez odobrenja nadležnog organa držao vatreno oružje i municiju,

čime je pod tačkom 1.)počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH,a pod tačkom 2.) u sticaju krivično djelo iz člana 52. stav 1. tačka b) Zakona o nabavljanju, držanju i nošenju oružja i municije ZDK, u vezi sa članom 54. KZ F BiH, pa se na osnovu istih članova i propisa i uz primjenu odredbi člana 49.stav 1. KZ F BiH za krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH utvrđuje se kazna zatvora u trajanju od 4(četiri) godine , a za krivično djelo iz člana 52. stav 1. tačka b) Zakona o nabavljanju, držanju i nošenju oružja i municije ZDK utvrđuje se kazna zatvora u trajanju od 8(osam) mjeseci, te se

O S U Đ U J E

na jedinstvenu kaznu zatvora u trajanju od 4(četiri) godine i 6(šest) mjeseci, a u koju kaznu se uračunava vrijeme provedeno u pritvoru od 13.01.2026. godine od 12,10 sati pa do upućivanja na izdržavanje kazne zatvora.

U skladu sa članom 202. stav 4. ZKP-a F BiH optuženi S.M. se oslobađa obaveze da Sudu naknadi troškove krivičnog postupka.

U skladu sa članom 238. stav 4. KZ-a FBiH optuženom S.M.u izriče se mjera sigurnosti oduzimanja opojnih droga i to: opojna droga amfetamin ,netto mase 3589,539 grama, preostala nakon vještačenja; opojna droga „marihuana“, netto mase 782,862 grama, preostala nakon vještačenja i opojna droga metilendioksimetamfetamin (MDMA) ,netto mase 0,890 grama ,preostala nakon vještačenja ,a koje su pohranjene u depozitu PU Zenica, a naređuje se Komisiji za uništenje opojnih droga, psihotropnih tvari, biljaka iz kojih se može dobiti opojna droga i prekursora pri Vijeću ministara BiH da odmah nakon prijema Naloga za izvršenje mjere sigurnosti a najdalje u roku od mjesec dana preuzme od PU Zenica, navedene opojne droge -preostale od vještačenja i iste uništi spaljivanjem u skladu sa Pravilnikom o čuvanju i uništenju oduzete opojne droge, psihotropnih tvari, biljaka iz kojih se može dobiti opojna droga i prekursora (Sl. Glasnik BiH br. 28/12).

U skladu sa člana 78. stav 1. KZ FBiH optuženom S.M.u izriče se mjera sigurnosti oduzimanja predmeta i to: jedna siva digitalna vaga natpisa „QC PASS 200g/0,01 g“ sa prozirnim plastičnim poklopcem i poluautomatski pištolj ,španskog proizvođača Unceta y Compania C.A., model ASTRA 300, kalibra 9 mm serijskog broja: ... sa spremnikom i 5 metaka kalibra 9x17 mm, koji predmeti se nalaze pohranjeni u PU I Zenica,te se nalaže PU Zenica da ih stavi na dalje raspolaganje Upravi policije MUP-a ZDK nakon prijema naloga za izvršenje mjere sigurnosti, a koje Uprava policije MUP-a ZDK može iskoristiti za obavljanje svojih poslova ili prodati putem javne prodaje i novac od prodaje uplatiti u budžet FBiH.

U skladu sa člana 114. KZ F BiH optuženom S.M.u izriče se mjera oduzimanja imovinske koristi pribavljena krivičnim djelom i to: gotov novac u iznosu od 730,00(sedamstotrideset) KM i 530,00(pestotrideset) Eura (potvrda o privremenom oduzimanju predmeta PU I Zenica broj: 08-02-08/4-15/26 od 13.01.2026. godine) koji su pohranjeni u PU I Zenica i nalaže se PU I Zenica da iste nakon pravomoćnosti Presude uplati u budžet FBiH.

Obrazloženje

Kantonalno tužilaštvo Zenica je dana 06.02.2026. godine kod ovog Suda podiglo optužnicu, broj: T04 0 KT 0067474 26 od 06.02.2026. godine, protiv optuženog S.M., a koja je potvrđena dana 06.02.2026. godine, zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, u sticaju sa krivičnim djelom iz člana 52. stav 1. tačka b) Zakona o nabavljanju, držanju i nošenju oružja i municije ZDK, u vezi sa članom 54. KZ F BiH, bliže opisana u dispozitivu Presude.

Optuženi S.M. prilikom izjašnjenja o krivnji, na Zapisnik ovog Suda od 24.02.2026. godine, izjasnio se da nije kriv za predmetna krivična djela, a na glavnom pretresu u cjelosti je priznao izvršenje krivičnih djela koja mu se Optužnicom stavljaju na teret, te je izjavio da se kaje i da daje obećanje Sudu da se to više neće ponoviti, te da je upoznat sa posljedicama priznanja krivnje.

Tužilac je u dokaznom postupku je pročitao i izvršen je uvid u slijedeće materijalne dokaze i to: Naredbu PU I Zenica broj: 08-02-08/4-03-2-242/26 od 13.01.2026. godine, Zapisnik o pretresanju stana, drugih prostorija i pokretnih stvari PU I Zenica broj: 08-02-08/4-02/26 od 13.01.2026. godine, Zapisnik o pretresanju stana, drugih prostorija i pokretnih stvari PU I Zenica broj: 08-02-08/4-03/26 od 13.01.2026. godine, Potvrdu o privremenom oduzimanju predmeta PU I Zenica broj: 08-02-08/4-13/26 od 13.01.2026. godine na ime S.M., - Potvrdu o privremenom oduzimanju predmeta PU I Zenica broj: 08-02-08/4-14/26 od 13.01.2026. godine na ime S.M., Potvrdu o privremenom oduzimanju predmeta PU I Zenica broj: 08-02-08/4-15/26 od 13.01.2026. godine na ime S.M., Odobrenje KT ZDK broj: T04 0 KTA 0067474 26 od 13.01.2026. godine, Zapisnik o otvaranju i pregledu privremeno oduzetih predmeta i dokumentacije PU I Zenica broj: 08-02-08/4-24/26 od 13.01.2026. godine, Naredbu za hemijsko vještačenje Kantonalnog tužilaštva ZDK broj: T04 0 KTA 0067474 26 od 13.01.2026. godine, Naredbu za balističko vještačenje Kantonalnog tužilaštva ZDK broj: T04 0 KTA 0067474 26 od 13.01.2026. godine, Fotodokumentacija PU I Zenica broj: 08-02-08/4-46/26 od 13.01.2026. godine sa datumom izrade od 29.01.2026. godine, Fotodokumentacija PU I Zenica broj: 08-02-08/4-47/26 od 13.01.2026. godine sa datumom izrade od 29.01.2026. godine, Naredba Općinskog suda u Zenici broj: 43 0 K 270522 26 Kpp od 04.02.2026. godine, Potvrdu o privremenom oduzimanju predmeta PU I Zenica broj: 08-02-08/4-45/26 od 04.02.2026. godine na ime K. E., Zapisnik o pretresu-pregledu pokretnih stvari PU I Zenica broj: 08-02-08/4-77/26 od 05.02.2026. godine, CD sa snimcima video nadzora, Nalaz i mišljenje hemijskog vještačenja, FUP, Centar za forenziku broj: 11-18-18/2-03-5-66 od 20.01.2026. godine; Nalaz i mišljenje balističkog vještačenja, Uprava policije Zenica, Sektor kriminalističke policije, Odsjek za kriminalističku tehniku i KDZ-e broj: 08-02-03/7-03-2-325-1/26 od 30.01.2026. godine, i Izvod iz kaznene evidencije za optuženog S.M. PS Kakanj od 13.01.2026. godine. Optuženi i Branilac nisu prigovorili sadržaju i zakonitosti dokaza.

Sud je cijeneći izvedene dokaze i priznanje krivnje optuženog S.M. utvrdio nespornim da je optuženi S.M. počinio radnje na način kako je to bliže opisano u dispozitivu Presude. Optuženi svojim priznanjem krivnje za predmetno krivično djelo u cjelosti je učinio nespornim činjenične i pravne navode iz Optužnice, a njegovo priznanje krivnje odnosno činjenični i pravni navodi iz Optužnice su u cjelosti potkrijepljeni sadržajem dokaza na kojim se zasniva Optužba. Dakle, Sud je na pouzdan način utvrdio da je Optuženi počinio radnje i prouzrokovao zakonom zabranjene posljedice, bliže opisane u dispozitivu Presude, i da je na taj način ostvario obilježja krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, I u sticaju obilježja krivičnog djela iz člana 52. stav 1. tačka b) Zakona o nabavljanju, držanju i nošenju oružja i municije ZDK, u vezi sa članom 54. KZ F BiH.

Dokazi u spisu ukazuju da je kod optuženog S.M. u kritično vrijeme postojala krivnja za krivična djela koja mu se Optužbom stavljaju na teret. Naime, Optuženi je bio svjestan i znao da čineći radnje, na način kako je to bliže opisano u dispozitivu Presude, postupa protivpravno jer je znao da su predmetne radnje Zakonom zabranjene, tj. nije bio ni po kom osnovu ovlašten da se bavi neovlaštenim prometom opojnih droga i da je bez odobrenja nadležnog organa držao predmetno vatreno oružje i municiju, i očito je da je neovlaštenim prometom opojnih droga sebi obezbijediavao sredstva za život jer je bio nezaposlen. Dakle, bio je svjestan svojih djela i htio je njihovo izvršenje, te je postupao sa direktnim umišljajem, pa ga je stoga Sud i oglasio krivim.

Iz Izvoda iz kaznene evidencije vidljivo je da optuženi S.M. do sada 16 puta osuđivan za različita krivična djela, a o toga 6 puta za istovrsna krivična djela vezano za neovlašteno promet i posjedovanje opojnih droga. Prilikom odlučivanja o vrsti i visini krivične sankcije Sud je imao u vidu da je za krivično djelo neovlašteno proizvodnja i stavljanje u promet opojnih droga iz člana 238. stav 1. KZ F BiH propisana kazna zatvora od jedne do deset godina, a za krivično djelo iz člana 52. stav 1. tačka b) Zakona o nabavljanju, držanju i nošenju oružja i municije ZDK da je propisana kazna zatvora do tri godine, težinu krivičnih djela koja se ogleda tome da se radi o većoj količini opojnih droga, a što optuženog S.M. svrstava u viši rang narko dilera, stepen i oblik krivnje optuženog S.M., s tim da je na strani Optuženog Sud cijenio kao olakšavajuće okolnosti da je priznao izvršenje krivičnih djela, izrazio kajanje i dao čvrsto obećanje Sudu da se to više neće ponoviti, kao i da predmetne opojne droge ne spadaju u kategoriju teških opojnih droga, a na strani Optuženog Sud je cijenio kao otežavajuću okolnost

njegovu raniju osuđivanost tj. radi osobi koja je sklona vršenju krivičnih djela i da se nalazi u višestrukome specijalnom povratu u izvršenju krivičnih djela vezano za neovlašteni promet i posjedovanje opojnih droga, te imajući u vidu navedeno Sud očekuje da će se sa izrečenom bezuvjetnom osudom ostvariti opća i individualna svrha izricanja krivičnih sankcija.

U skladu sa članom 57. KZ F BiH u izrečenu kaznu zatvora Sud je uračunao vrijeme koje proveo optuženi S.M. u pritvoru u vremenu od 13.01.2026. godine od 12,10 sati pa do upućivanja na izdržavanje kazne zatvora.

Odluka o troškovima postupka, koji se odnose na paušal u iznosu od 200,00 KM i troškove obavezne odbrane, a čiju visinu će Sud utvrditi naknadno posebnim rješenjem, temelji se na odredbi člana 202. stav 4. ZKP F BiH, a Sud je optuženog S.M. oslobodio obaveze da iste nadoknadi jer je bez imovine i nema redovna primanja.

Odluka o izrečenoj mjeri sigurnosti oduzimanja predmetnih opojnih droga od optuženog S.M. temelji se na odredbama člana 238. st. 4. KZ-a F BiH, a kojim odredbama je propisano imperativno oduzimanje opojnih droga od lica koja ih neovlašteno posjeduju i prometuju.

Odluka o izričenoj mjeri sigurnosti oduzimanja predmeta od optuženog S.M. temelji se na odredbama člana 78. stav 1. KZ F BiH, a kojim je propisano oduzimanje predmeta koji su upotrijebljeni za izvršenje krivičnog djela ili su nastali izvršenjem krivičnog djela, a u konkretnom slučaju radi se o predmetima koji upotrijebljen za izvršenje predmetnih krivičnih djela.

Odluka o izrečenoj mjeri oduzimanja imovinske koristi pribavljena krivičnim djelom optuženom S.M. u temelji se na odredbama člana 114. KZ F BiH, kojim odredbama je propisano obavezno oduzimanje imovinske koristi od počinioca krivičnih djela koju su stekli izvršenjem krivičnih djela, a konkretno slučaju optuženi S.M. je nezaposlena osoba i bez imovine i očito gotov novac u iznosu od 730,00 (sedamstotrideset) KM i 530,00 (pestotrideset) Eura stekao je izvršenjem krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH.

Shodno iznesenom valjalo je Sudu odlučiti kao u dispozitivu Presude.

Zapisničar
Crnkić Kanita

Sudija
Sabrija Agić

PRAVNA POUKA:

Protiv ove Presude može se izjaviti žalba
Kantonalmom sudu u Zenici u roku od 15 dana
od dana prijema pismenog otpravka Presude.
Stranke i Branilac mogu izjaviti žalbu iz svih zakonskih
razloga. Žalba se podnosi putem ovog Suda u tri primjerka.

-ZKP FBiH -Zakon o krivičnom postupku Federacije BiH (Službene novine Federacije BiH, broj 35/ 03, 47/03, 56/03, 74/04, 28/05, 55/06, 53/07, 09/09, 12/10 i 08/13);
-KZ FBiH-Krivični zakon Federacije BiH (Službene novine Federacije BiH, broj 36/03, 37/03, 21/04, 69/04 i 18/05).